



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CLXVI. De approbatione quorundam Actorum Capitularium Eremitarum S.  
Augustini Provinciæ Castellæ.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

stabit plenissime suffragari, & ab illis respective in- violabiliter observari: Sicque in præmissis per quof- cumque Judices Ordinarios, & Delegatos, etiam Caufarum Palatii Apostolici Auditores judicari, & definiti debere; ac irritum, & inane, si secus fu- per his a quoquam quavis autoritate scienter, vel ignoranter contigerit attentari.

§. 5. Non obstantibus præmissis, ac Constitu- tionibus, & Ordinationibus Apostolicis, necnon quatenus opus sit prædictorum Ordinis, & Pro- vincia, etiam Juramento, confirmatione Apo- stolica, vel quavis firmitate alia roboratis statu- tis, & consuetudinibus; privilegiis quoque, In- dultis, & literis Apostolicis in contrarium præ- missorum quomodolibet concessis, confirmatis, & innovatis: Quibus omnibus, & singulis illo- rum tenores præsentibus pro plene, & sufficien- ter expressis, ac de verbo ad verbum insertis ha- bentes, illis alias in suo robore permanfuris, ad præmissorum effectum, hac vice dumtaxat specia- liter, & expresse derogamus, cæterisque con- trariis quibuscumque.

Datum Romæ apud S. Petrum sub Annulo Pis- catoris die XV. Decembris MDCCXXVII. Pontifi- catus Nostri Anno Quarto.

CLXVI.

Confirmatur Decretum Episcoporum, & Regula- rium approbans acta quædam Capitularia Ere- mitarum S. Augustini Provincia Castellæ.

*De Confirmatione cujusdam Decreti Capituli Gene- ralis d. Ordinis super numero 36. Magistrorum Provincia Aragonie, vide aliam hujus ed. 1727. Jun. 27. P. 4., & de confirmatione omnium pri- vilegiarum dicti Ord. vide sequentem Const.*

Dat. 22. Dec. 1727. Ann. 4.

BENEDICTUS PAPA XIII.

*Ad futuram rei memoriam.*

Facti expo- sitio.

**N**uper pro parte dilectorum filiorum Prioris Provincialis, & Diffinitorii Provincia Castellæ Ordinis Fratrum Eremitarum S. Augustini, Congregationi Venerabilium Fratrum nostrorum S. R. E. Cardinalium negotiis, & Consultationi- bus Episcoporum, & Regularium præpositæ ex- posito, quod in novissimo eorum Capitulo Pro- vinciali die 4. Maji currentis anni in Conventu Matricalensi dictæ Provincia celebrato, multa Statuta, seu acta Capitularia pro regularis disci- plina observantia condita fuerant, inter quæ dilectus etiam filius Fulgentius Bellelli Prior Generalis ejusdem Ordinis de Assistentium suorum consilio confirmaverat, & approbaverat sequen- tia videlicet.

Acta Capi- tularia præ- dictæ de Pro- curatore hu- jus Provin- ciæ Romæ habendo.

§. 1. Propositum fuit in Diffinitorio an expe- diret Romæ habere Procuratorem hujus Provin- ciæ pro Causa Venerabilis Crocco, & pro eo, quod huic Provinciae occurrere valeat in Romana Curia. - Determinatum fuit, quod ibi habeatur Religiosus hujus Provinciae quemadmodum ab aliis Religionibus practicatur in similibus Causis, & ne pecuniæ destinatae pro Causa Venerabilis patian- tur notabilem diminutionem, data fuit admodum Reverendo Patri Provinciali facultas arbitranda media suaviora Provinciae, quin gravetur Conventus novis pecuniarum exactionibus. Diffinitorium dedit facultatem nostro admodum Reverendo Pa- tri Provinciali, ad hoc, ut casu, quo noster Pro- curator Romanae Curiae absit ab ea possit alium nominare, qui sit filius hujus dictæ Provinciae, Diffi- nitorium commendat admodum Reverendo Patri Provinciali, ut curet, & faciat observari acta 31. & 32., (quæ in suo compendio sunt 29., & 30.) anno 1718., conformia Decreto, quod Illustris- simus Dominus Aldovrandi, dum esset in his Re-

De exe- cutioni mandandis Decretis qui- busdam.

gnis Hispaniarum Nuncius Sanctitatis Suae publi- cari mandavit, & publicatum fuit die 13. Septem- bris 1717.; in quo ordinatur, quod nullus Reli- giosus exeat a Domo solus, & declaratur, in hoc ordine universaliter (excepto Procuratore Gene- rali) non solum includi Conventuales, & Col- legiales nostrarum Communitarum Sancti Philip- pi, & Conventus Matritensis, in quibus Pater Rector assignabit Patri Administratori socium sibi benevisum, prout etiam Prior Sancti Philippi Officialibus suis; verum etiam omnes externos hujus Provinciae, & aliarum in Curia existentes, qui debent cedere cum Sociis Religiosis, non ita tamen cum Donatis, qui incipiunt introduci, & nunquam fuerunt in usu in hac Provincia ad sociandum, quapropter Diffinitorium decrevit, quod non permittantur Donati, nisi ii, quos Provincia habuerit pro ejus servitio, qui nullum Religiosum extra Domum associent.

§. 2. Pariter mandat Diffinitorium, quod nul- lus Religiosus hujus Provinciae, neque extraneus (excepto Patre Procuratore Generali) exeat a Domo cum Cappa sine manicis longis, vel pro- tensis, cum clamyde, vel Pallio, & galero, neque Missam celebret extra Conventum, neque resi- deat, multoque minus pernoctet extra eum. Et quoniam ex admissione Exterorum ignoratis di- ligentiis, ratione quarum veniunt, & ex igno- rantia status illarum sequuntur nonnulla incon- venientia, Diffinitorium ideo mandat Patri Pri- ori pro tempore existenti Regii Conventus Sancti Philippi, quod juxta praxim Romanæ Curiae ex- pressam in nostris Sacris Constitutionibus 3. parte Cap. 6. n. 2., & 4. cum assistentia Patris Pro- curatoris Generalis Provinciae examinent moti- vum, propter quod Religiosus venit ad Curiam, ut prædictus Pater Procurator Generalis notum faciat illud nostro Admodum Reverendo Patri Magistro Provinciali, & cum ejus approbatione permittatur illi residere Matrivi, & terminatis diligentis compellatur reverti in suam Provin- ciam, vel Conventum, & Patribus Priori, & Re- ctori Collegii, qui permiserit contraventionem hujus, seu præcedentis Acti, quæ tantum ad Reli- giosam observantiam, & bonum exemplum im- ponitur poena privationis Officii, quam Pater Provincialis statim mandet executioni, absque ulla dispensatione.

§. 3. Hæc sunt, Reverendissime Pater, Capitu- li nostri electiones, & acta, pro quorum ap- probatione, & confirmatione ad pedes Paterni- tatis vestrae submissi provolvimus humillime ob- secrantes, ut iisdem favoribus, ac paterni amo- ris affectibus, quibus semper Nos prosequitur, Deus optimus maximus Paternitatem vestram Reverendissimo Eremitico Ordini diu servet in- columem. Datum in hoc Conventu Sancti Patris nostri Augustini Matricalensi die 7. Maji anno Do- mini 1727.

- Frater Franciscus de Legano Præsident.
- Frater Petrus Portocarrero Exassistens Ge- neralis.
- Frater Mathias Teran Diffinitor.
- Frater Petrus Manso Provincialis absolutus.
- Frater Barnabas Barcina Diffinitor.
- Frater Joannes Taxardo Diffinitor.
- Frater Joannes Can Visitator.
- Frater Franciscus de Aviles Provincialis.
- Frater Julianus Orense Diffinitor.
- Frater Franciscus de Rio Visitator.
- Fratri Fulgentio Bellelli Buccinensi Sacrae Theologiae Magistro totius Ordinis Fra- trum Eremitarum S. Augustini Priori Ge- nerali.

§. 4. Inspecis retrospectis Actis Capituli Pro- vincialis hoc anno 1727. in nostra Castellæ Pro- vincia celebrati, omnes, & singulas actiones, electiones, ac determinationes in actis ipsis in- fertas, & descriptas, harum ferie, nostrique mu-

De vestibus gestandis a Religiosis, quomodo exeant.

De exteris examinandis Curia ad Curiam accedant.

Preces Capitu- li ad Re- verendiss. Procurato- rem Genera- lem pro re- latorum actu approbatione.

Approba- tio Procura- toris Genera- lis.

neris auctoritate, necnon de consilio admodum RR. PP. Nobis Assistentium, confirmamus, & approbamus, illaque ratas, & firmas esse, & haberi volumus, & mandamus. In nomine Patris, & Filii, & Spiritus Sancti Amen. Datum in Conventu Nostro S. Patris Augustini de Urbe die 23. Junii 1727. - Frater Fulgentius Bellelli Generalis: Nostri muneris sigillo. - Magister Frater Angelus Guilelmus Rochensis Ordinis Secretarius. - Registrat. lib. 2.

§. 5. Et in eadem Expositione subjuncto, quod Prior, ad Diffinitorium hujusmodi, Statuta, seu Acta Capitularia prædicta, ut exactius serventur, auctoritate quoque dictæ Congregationis Cardinalium, confirmari plurimum desiderabat. Emanavit ad eorum supplicationem ab eadem Cardinalium Congregatione Decretum, tenoris, qui sequitur, videlicet: *Sacra Congregatio Eminentissimorum, & Reverendissimorum S. R. E. Cardinalium negotiis, & Consultationibus Episcoporum, & Regularium præposita, attenta relatione hujusmodi Domini Cardinalis Imperialis prædicti Ordinis apud Sanctam Sedem Protectoris, Acta Capitularia superius expressa, confirmata, & approbata a Patre Generali, præsentis Decreto iridem approbat, atque confirmat. Romæ 3. Octobris 1727. - Cardinalis Franciscus Barberinus - P. A. Archiepiscopus Larissæ Secretarius.*

§. 6. Cum autem, sicut dilectus pariter filius Hieronymus Flores frater expresse professus dicti Ordinis, & Procurator præfata Provinciæ Castellæ Nobis subinde exponi fecit ipse Decretum hujusmodi, quo firmiter subsistat, Apostolicæ confirmationis nostræ patrocinio communiti summopere desideret. Nos ipsum Hieronymum specialibus favoribus, & gratis prosequi volentes, & a quibusvis excommunicationis, suspensionis, & Interdicti, aliisque Ecclesiasticis Sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium duntaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decretum præinsertum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, salva tamen semper in præmissis auctoritate dictæ Congregationis Cardinalium.

§. 7. Decernentes easdem præsentis literas firmas, validas, & efficaces existere, & fore, suoque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices ordinarios, & delegatos, etiam Causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 8. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Provinciæ, & Ordinis prædictorum etiam Juramento, Confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice duntaxat specialiter & expresse derogamus, ceterisque contrariis quibuscumque.

Datum Romæ apud S. Petrum sub Annulo

Bullarii Rom. Contin. Pars VII.

Piscatoris die XXII, Decembris MDCCLXXVII, Pontificatus Nostri Anno Quarto.

Indicetur Jubilæum pro Christianisdelibus Almæ Urbis, Italiæ, & Insularum adjacentium, divinam opem implorantibus pro exilientibus necessitatibus.

*Ab hoc Pontifice indictum fuit Jubilæum Anni Sancti 1725. Const. ed. 1724. Jun. 26. P. 1. Et Clem. XII. Const. ed. 1730. Sept. 9. P. 1. indicitur Jubilæum universale pro initio sui Pontificatus.*

BENEDICTUS PAPA XIII.

*Universis Christianisdelibus præsentis Literas inspektoris salutem, & Apostolicam Benedictionem.*

Cum justus, ac misericors Dominus assiduis hominum flagitiis læcessitus, iracundiæ, ac ultionis suæ flagella per nuperos terræ motus, quibus plurima Status Nostri Ecclesiastici Loca, Civitates, Terræ, & Oppida graviter concussa fuerunt, atque Aquarum inundationes, tempestates, ac spiritus procellarum, & etiamnum per continuas pluvias, quæ Agrorum vastitatem, aliaque publica detrimenta minantur, non obscure ostenderit; Nos Domini gregis curæ Nostræ cælestis crediti calamitatibus, ac terroribus tenerrimo paternæ charitatis affectu compatientes, manus Nostras ad Deum totius consolationis extollimus, ab illoque in amaritudine Animæ Nostræ deprecamur, ne effundat super populum suum indignationem furoris sui, sed superexaltet misericordia judicium, & qui longanimitate homines ad penitentiam vocat, det eis benignus salutarium lacrymarum fontem, quo peccata sua multa, & gravia abluant eique reconciliati per viam mandatorum suorum ambulent. Hoc igitur acceptabili ineuntis anni tempore, expurgantes vetus fermentum, novumque induentes hominem, unanimes adeamus cum fiducia ad Thronum Gratiæ, ac obsecrationibus, jejuniis, & elemosynis, aliisque piis operibus Divinam iram adversus Nos concitiam placare studeamus, suppliciterque a Deo petamus, ut flagella, quibus Nos corripit, ac deterret ad emendationem, clementer a Nobis avertat, & qui castigat Nos propter scelera nostra, ipse salvet Nos per misericordiam suam.

§. 1. Hæc autem, ut ferventiori spiritus ardore, uberiorique fructu peragantur, ex prisco Romanæ Ecclesiæ omnium Matris, & Magistræ more, cælestium munerum thesauros, quorum dispensationem fidei Nostræ commisit Divina dignatio aperire, & larga manu erogare decrevimus. Itaque de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Nobis Dominus, licet indignis, contulit: Universis, & singulis utriusque sexus Christianisdelibus in Alma Urbe Nostra degentibus, qui Sancti Joannis in Laterano, ejusdem Principis Apostolorum, & Sanctæ Mariæ Majoris Ecclesias, seu Basilicas, vel earum aliquam intra decursum proximæ, quæ erat prima Mensis Januarii currentis, vel immediate subsequenti hebdomadæ saltem semel visitaverint, ibique per aliquod temporis spatium devote, ut supra, Deum oraverint, ac quarta, & sexta feria, ac Sabbato alterius ex præfatis hebdomadis jejunaverint, & peccata sua confessi, Sanctissimum Eucharistiæ Sacramentum in Dominica die immediate sequenti, vel alia die intra eandem hebdomadam reverenter sumperint, ac pauperibus aliquam elemosynam,

CLXVII.

Dat. 2. Jan. 1728. An. 4.

Exordium a publicis calamitatibus ductum.

Conceditur Indulgentia plenaria iis, qui præscripta omnia executioni mandaverint; tum pro Romæ degentibus,

Decretum præfatum eadem acta approbans.

Preces Procuratoris dictæ Provinciæ.

Confirmatio relativi Decretii.

Clausula.